



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

II. Scriptionis occasio.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

I

PRIMARIÆ PRECES
IMPERIALES SINE SPECIA-
LI INDULTO APOSTOLICO
NULLÆ.

DISSERTATIO.

SANCTISSIMI Ecclesiæ Episcopi,
atque etiam simplices Clerici, qui-
bus cordi fuit rem Ecclesiasticam,
& Sacerdotalem libertatem sartam rectam
servare, factis aut scriptis sæculares Po-
testates, jura electionum canonicarum
occupantes, vel in designandis Sacerdo-
tibus & Clericis, sacrorum officii in-
servituros se immiscentes, avertere con-
sueverunt, ut ita & Catholici Principes
re melius perpensa resipiscerent, & Præ-
sules, universique Ecclesiastici ordines
edocti, Jura, quæ Christi sunt, lædi,
& Ecclesiæ libertatem divelli pro virili
sua impedire niterentur: neque solum
Imperialibus edictis & jussis, verum &
ceteris Principibus malo exemplo ad si-
milia & majora perpetranda excitatis sa-
cerdotale pectus opponerent, ac liberta-
tem suam & suarum Ecclesiarum pro vi-
ribus suis vindicarent.

Hinc ego qualiscumque à pluribus an-

A

I.
Ecclesiasti-
corum est sua
jura tueri.

II.
Scriptionis
ocasio.

2 *De primariis Precibus Imperialibus*
nis Clericali militiae adscriptus cum non
ita dudum ex Novellis, ut vocant, apud
Batavos typis impressis, intellexerim,
Augustissimum Imperatorem, nuper tan-
ta pietatis expectatione, à gloriosissimis
Majoribus suis in hereditatem acceptæ,
& heroica educatione contractæ, inau-
guratum, in id adduci potuisse, ut Epis-
copis, Capitulis, & Ordinariis Collato-
ribus quibuscumque per totam Germa-
niam constitutis scripto præciperet Digni-
tates Ecclesiasticas, Canonicatus, & Be-
neficia conferenda certis Personis ab eo
nominatis, (quæ Diplomata Imperialia,
Germani vocant *Primarias Preces*, si ta-
men *Preces* dicendæ sunt, quæ violentis
præceptis, minis, & pœnis miscentur),
à Sanctissimo Romanæ, & Universalis
Ecclesiæ Antistite CLEMENTE XI.
Ovium & Ecclesiarum ei creditarum ca-
nonicam & veterem libertatem minus
recte violatam deprecari, mihi in ani-
mo constitui, non licere arbitratus Au-
gustissimo Imperatori & Sedis Apostoli-
cæ Advocato sine Indulto Pontificio eas
Preces sibi attribuere: & ratus spectare
ad Inclyta Germaniæ Capitula suam &
Ecclesiæ Romanæ libertatem vindicare.
Quapropter non levem Ordini Ecclesia-
stico, cui nomen dedi, utilitatem me

Dissertatio.

allaturum putavi, si Clericis omnibus, & præcipue religiosissimis Germanis explicarem, quid hæc *Preces Imperiales* contineant; qua de re fuerint inventæ; qua ætate & occasione; quinam earum usus à multo tempore, & cui rationi, & potestati eæ nitantur; ut ita intelligant omnes, has *Preces* sine potestate Pontificia nullius omnino roboris, & momenti esse; immo eos, qui illis obsequuntur graviter falli, præsertim Summo Pontifice reclamante, easque adversari sacris Canonibus, Oecumenicis Conciliis, Concordatis, & Ecclesiasticæ libertati, utpotè quæ subsunt Decreto septimæ Synodi generalis, quod inferius exponam.

Ut certa pateat injuria, quæ fit Ecclesiasticis titulis, tenorem *Primariarum Precum* nuper Ordinariis Collatoribus directarum jam referam. Pervenerunt ad me exempla *Primarum Precum* directarum per Augustissimum Imperatorem inclyto Capitulo Hildesheimensi, quæ in hunc modum conceptæ fuerunt: *Josephus Divina favente clementia electus Romanorum Imperator semper Augustus &c. Honorabilibus Devotis nostris, & sacri Imperii fidelibus dilectis N. Decano seniori, & Capitulo Ecclesie Cathedralis Hildeshei-*

III.

*Primariæ
Preces Augustissimi Imperatoris sine
indulto Apostolico.*